



Bájkkeavijssa NuorttaSálto

Dán jage ádáboahhte bákká Ájluovta Aline Mikkelsenij

Sån le nannim ietjas máhtudagáv duojen, duodjáriin barggá ja barggá vaj nuora galggi oasev dán kultuvrra-åhpas oadtjot ávdđál suohkanis jáhttáji.

Dijstagá oattjoj sån ádáboahhte bákkáv æládusfylkkarádes Inga Kvalbukta Stokmarknesa fylkkadikken. Oattjoj bákkáv gá bisot ja ávdđánahtta duojev nuorajda.

- Dát lij állu vuordek ja alvadahtte. Ittjiv ham ávvánis diede lidjiv oajvvaduvvam dán bákkáj, javllá Aline Mikkelsen (33) ávos. Tjávttjan 2004 dagáj sån majt moattes sávadi, álgij állesájjgásasj julevsáme duodjáriin Ájluovtan. Fylkkaráde javllá nuorra bákkávuojtte gullu ádá buolvvaj nuorra duodjáriis, gudi bisodi ja ávdđánahtti duojev, ja sijá baktu sáme ja iehtjáda bessi sáme biktasijda tjágnat ja dasi ma dajda gulluji.

- Ulmme le nuorra nissuna galggi vuojnnet boahhteájgev Nordlándan, máhtudagáj baktu ásadiet ietjasa barggosajev. Dán jage ádáboahhte arvusmahtta nuorra næjtsojt duojev áhpatjit, vaj máhtti barggat duojijn almma virggen, javlaj fylkkaráde Inga Kvalbukt juogadimen.

- Ittjiv jáhke dákkir unna viddnudahka



Tæksta: Kitty Skapalen
Járggálibme: I dar Kintel

ÁVDĐÁNAHTTEM: - Sávav duodje galggá ávdđánahttet riehta láhkáj vaj máhttep aktelasj birrasav oadtjot, javllá Aline, guhti buvtat árbbedábálasj sáme biktasijt dagu gápteve ja ma dasi gulluji, sámebájnnum biktasa ja adnogávne.

VIDEREUTVIKLING: - Jeg ønsker jo at duodje skal utvikle seg i rett retning hvor man kan få et kontinuitet i miljøet, sier Aline, som produserer tradisjonelle samiske klær som kofte m/tilbehør, samiskinspirerte klær og bruksting.

Arkivfoto: Sander Andersen

besaj dakkir gilppusij oassálasstet, javllá Mikkelsen, gænná lij máhtto Divtasvuonas, ja bajássjattaj Hábmerin. Állessjattugin áhpaj duodjuhita ja árbbedábálasj julevsáme

duojev Sámiij áhpadosguovdátjin Jáhkámáhen áhpaj.

Buvtat árbbedábálasj sáme biktasijt dagu gáppte ja divna ma dasi gulluji, sámebájnnum biktasa ja adnogávne. Sån aj kursajt fállá ájnégattajda, skávlájda ja ásadusájda, ja le buojkulvissan fállam divna suohkanijda Nordlándan duojen áhpadit. Máttijn skávlájn le vádne máhtudagás állidittjat oahppoplánav, ja sån fállá áhpadimev duojev ja sæmme báttá oasev sáme kultuvras. Sujna I gárves áhpadibme duola dagu sassneáhpajn ja sassnesávvijn, gánná áhpadibme hiebaduvvá juohkka skávláj. Sån le ihkap ájnna gudi barggá jáhtte duodjeáhpaddjen, ájádusáv duolli oattjoj.

- Vuojniv lij dárbbu diedov juohket sáme kultuvra birra, ja sierraláhkáj duoje birra. Oajvvessivva gá Ájluoktaj jáhtiv, lij Ájluovta skávlá le ájnna skávlá mij fállá julevsámegiela vuostasjgiellan vuostasj klássas. Ájnas le munji muv 10 jagák niejdda sámegiela oahppá. Ja niejddas le juo vuostasj gápteve gárrum! Mikkelsen ittjij ietja bajássjatta sámegiela ja duojijn, ja le vasedam jur giella le hástalus gá galga sihke oahppat ja áhpadit duojev. - Duojev gávnnuji dássju sáme terminologija ja e dárobágo gávnnu. Gá ietjam siessá galgaj munji duojev áhpadit, de dárbbahiv dálkáv, ja ájn dalloj lij

gássjelis. Divna tjuovvu ruoppsis hárpov, ja dan diehti álov dájdadip jus dássju aktijvuodav vuojnne, dáttot sån.

Mij le de suv visjávnná ja sávodus vijdábut?

- Plánimin lip juo aktisasj duodjevidnudagáv Ájluoktaj ásadiet, gánná juogadip aktisasj masjijnajt ja gánná máhttep iehtjádijt áhpadit ja iehtjama máhtudagájt ávdđánahttet. Ájggop jádediddjev virggáj biedjat dákkir vidnudahkaj, ja ihkap navti ulmutja vuojni makkir vejulasjuoda li duojev ja ihkap ásadimgálo unnu. Galggá liehket aktisasj barggo Sámedikke ja fylka gaskan, javllá Mikkelsen gut dát ássjes viehka álov berus. - Sávav duodje galggá ávdđánahttet riehta láhkáj vaj máhttep aktelasj birrasav oadtjot. Divtasvuona suohkan le buoragit vuorodam mañemus jage, ja le oasstám buktagij ASVO:as ja mujsta. Sávav hadde máhtta stáhtusav bajedit, dan diehti gá uddni le duojev vuollegis stáhtus.

Ja áttjak Aline Mikkelsen válljiduváj Sámedikke referánsasjuohkusij mij galggá barggat árvvohákhimij sáme mannoæládusá æláduskombinasjávnnáj hárráj.

- Danna li stuorra máhttelisvuoda aktisasj barggaj moattelágásj ulmmejuohkusij gáktuj, javllá mihás ja ávos bákkávuojtte.



Dán jage ádáboahhte bákká Aline Mikkelsenij Ájluovtas: - Dán jage ádáboahhte arvusmahtta nuorra næjtsojt duojev áhpatjit, vaj máhtti barggat duojijn almma virggen, javlaj fylkkaráde Inga Kvalbukt juogadimen.

Árets nykomlingspris til Aline Mikkelsen fra Drag: - Árets nykomling er en inspirasjonskilde for unge jenter til å lære seg duodje, slik at de kan satse på duodje som reelt yrke, sa fylkesråd Inga Kvalbukt ved utdelingen. Foto: Nordland fylkeskommune